

QVÆSTIO MEDICA

QVODLIBETARIIS DISPVATIONIBVS

MANE DISCVTIENDA

IN SCHOLIS MEDICORVM

Die Iovis 13. Ianuarij.

M. PETRO LEGIER, Doctore Medico, Præside.

An calor innatus παντοκράτωρ?

I.

GENEROSVM rerum principium quod ad hominum procreationem fecunditatem tribuit, origine nobilitatis sublunaribus elementis antecellit. Illud est τὸ καλλύμενον θερμὸν, quæ naturâ in genitore spiritu inhærescit. Ideò materiâ procreatrice in utero arctius conclusâ, moxque vi caloris abeunte in exiguum molem, humani corporis opificium inchoatur. Exemplar effingendarum partium, ab earum usu animæ architectanti obversatur. At nativus calor conciliatâ idoneâ particulis temperie, τὸ ἀκατέργαστον ἡμῶν uni opifici percognitum perpolit distinctiùs atque etiam locupletius adornat, ratione planè dissimili ab arte cui mendicita semper con-

2

juncta est, ut verè proditum sit memoriæ naturam
 παλαιοῦς, artem περιρῶς operari.

I. I.

QUEM AD MODVM animæ honoris pretio & infamiâ à se ipsis differunt, sic etiam innatus dissidet calor, qui minimè igneus est, neque species quædam ustulantis flammæ, sed effectuum præstantia agendi moderatione quam adhibet incredibili & maximo generationum proventu convenientiam habet ne eandem dicam naturam cum elemento Solis atque Stellarum. Calidum innatum non est antiquius ipso Orbe condito, sed est primo parenti coævum. Quò uberius & laudabilius fuerit, eò fœliciores res secundæ valetudinis. Ab eo vitæ diuturnitas pendet, ac brevitæ est repetenda. An rectè videtur divino Hippocrati calidum quod dicitur immortale, intelligere, videre, audire, præterita & futura cognoscere?

I I I.

EDITI fœtûs in lucem, quæ olim fuit genitrix natura, eadem est servatrix. Calidi innati liberaliori copiâ, corpora plurimùm augentur, nec injucundâ magnitudine juvenescunt. Annorum decursu, calor innatus hominem variè afficit. In infantiâ blandus atque copiosus continetur, micat ille in pueritia, at in adolescentia scintillat. Sanè florente ætate caloris flammæ manant latiùs, nec sine injucundâ membrorum venustate animosè exeruntur. Ingentem verò prudentiæ vim, rerum politicarum

527

3

perfectæ administrationi accomodatam, florēti
septenario septimo, animæ comparare solet. Vt ca-
loris vivifici jugis motus semper salutaris, sic illius
ἀνοία, est imperij & vitæ deletrix.

I V.

REGIAM caloris innati non solum propugna-
culis armatam, sed etiam impetum facientium
satellitio decoratam esse oportuit; ab eâ tanquam
molliorum flammæ penû, substantia luciformis
omnibus corporis partibus collucet. Et si homo pri-
mo dierum calidissimus, tamen assiduo caloris illap-
su indiget, ne collabente partium vitalitate marces-
cat. Illo agitante *ῥομφαία* tres provinciæ corporis
recreantur, at præcipuè viscera quæ alendo corpori
præparant cibos: etenim caloris ope & magisterio
coquuntur alimenta, & distribuuntur, cum pernecef-
sariâ excrementorum egestione. Natura rerum pro-
vida videns hominem morte consumi, eadem in re-
gione, procreationis beneficio immortalitatem ma-
chinatur.

V.

VIVITVR & innati caloris legibus, qua-
rum imperio statæ *καταμνήαν* periodi, hæmor-
rhoidum excretiones subjiciuntur. Sæpe decre-
torio die colluctatus cum morbo, præcipiti facta
mutatione de morbi tyrannide triumphavit. Quin
etiam desperati, plures restituti sunt funere elati
ad rogam evigilarunt. Herus acceptis vulneri-
bus, septimo à pugna die revixit. Ecquæ unquam

bellua peste Athenienſi atrocior? Sed tamen non pauci licet nominis & patriæ immemores evaſere. Quotquot autem, nullâ factâ remediorum adminiſtratione, crudeliter graſſante contagio ſuperfue-
re, caloris beneficentiâ id conſecuti ſunt. Calor in-
natus morborum domitor, vitæ princeps, rerum dominus, & ſumma potentia ſolus.

Ergo calor innatus παντοκράτωρ.

DOMINI DOCTORES DISPUTAVRI.

M. Antonius Ruſſin.

M. Petrus Pourret.

M. Antonius de Caën.

M. Carolus Laval.

*M. Dionyſius Dodart, rei
Herbaria Profeſſor.*

*M. Dionyſius Puyſſon,
Scholarum Profeſſor.*

M. Nicolaus Matthieu.

M. Iacobus Renant.

M. Nicolaus Langlet.

Proponebat Lutetiæ GUILLELMVS PETIT,
Conſtantiensis, A. R. S. H. M. DC. LXVII.

Ex Typographia FRANCISCI MUGUET, Regis ac
Illuſtriſſ. Archiepiſcopi Pariſ. Typographi.